

Messadi pertuccont la revisiun parziala dalla lescha da pumpiers dalla vischnaunca Ilanz/Glion

Preziau president dil parlament

Stimadas parlamentarias, stimai parlamentararis

Cun l'adattaziun dalla schulda – ch'ei reglada ell'ordinaziun davart il survetsch da pumpiers dalla vischnaunca Ilanz/Glion (ordinaziun da pumpiers, Odp, LIG 42.11) – eis ei vegniu constatau ch'ina revisiun parziala dalla lescha da pumpiers dalla vischnaunca Ilanz/Glion (lescha da pumpiers, Ldp, LIG 42.1) ei necessaria. Quei per motivs da divergenzas denter la lescha e l'ordinaziun. L'adattaziun dalla lescha pertucca cunzun l'organisaziun e l'elecziun dil commando da pumpiers. Per reglar quels dus puncts suttametta la suprastanza communal al parlament communal ina revisiun parziala dalla lescha da pumpiers.

Explicaziuns davart ils artechels da lescha

Art. 9

Las indicaziuns als singuls artechels dalla lescha ein munglusas resp. renvieschan buc ad ils artechels e las alineas correctas ella lescha da pumpiers.

Art. 10

Las singulas funcziuns vegnan numnadas e las responsabladas resp. cumpetenzas regladas dapi che l'ordinaziun da pumpiers ei entrada en vigur igl 1. da mars 2014. Ella lescha da pumpiers vegn denton la cumpetenza pertuccont l'elecziun resp. l'occupaziun da quellas funcziuns reglada. Cun adattar las stipulaziuns legalas vegn quella cumpetenza attribuida alla direcziun.

La dislocaziun e relaschada da personas che prestan survetsch succeda gia oz entras il commando da pumpiers. Perquei vegn la cumpetenza reglada da niev.

L'indicaziun agl art. 6 al. 4 ei fallida resp. renviescha ad in alinea che manca ella lescha da pumpiers.

Art. 12

Cun la revisiun parziala dall'ordinaziun da pumpiers per igl 1. da schaner 2024 ei la cumposiziun dil commando da pumpiers vegnida reglada sin scalem dall'ordinaziun. Il commando da pumpiers secumpona dallas suandontas personas: cumandant da pumpiers, vicecumandant, caus da partiziun e furier. Quella cumposiziun corrispunda alla practica. Las stipulaziuns ella lescha corrispundan buc alla cumposiziun efectiva. Era en vesta ad eventualas midadas ni adattaziuns futuras dalla cumposiziun dil commando da pumpiers eis ei raschuneivel da reglar quei sin scalem dall'ordinaziun. Aschia san midadas vegnir decididas dalla suprastanza communal.

Revisiun parziala dalla lescha da pumpiers

Art. 9 Suprastonza communal

² Ella ha oravontut las suandontas cumpetenzas:

...

b. decider davart la liberaziun dall'obligaziun da far pumpiers tenor art. 6 al. 2 al. 3 sco era dil survetsch activ tenor art. 7 al. 3 al. 2 da questa lescha;

...

Art. 10 Direcziun

¹ La direcziun ha oravontut las suandontas incumbensas:

...

b. eleger ils caus da partiziun, ils officiers, ils responsabels dil fatg, il furier ed il schef da material;

c. decider davart la liberaziun dall'obligaziun da far pumpiers tenor art. 6 al. 3 al. 4 da questa lescha;

d. dislocar e relaschar personas che prestan survetsch activ;

Art. 12 Comando da pumpiers ed organisaziun

¹ Dil comando da pumpiers fan part il cumandant, il vicecumandant, ils menaders da squadra, ils officiers sco era il furier ed il schef da material. L'ordinaziun reglescha la cumposiziun dil comando da pumpiers.

³ Il comando da pumpiers ha oravontut las suandontas incumbensas:

a. eleger ils caus da material ed ils meinagrappa;

b. dislocar e relaschar personas che prestan survetsch activ.

Propostas

Sin fundament dallas explicaziuns precedentas propona la suprastonza communal al parlament:

- d'entrar ella damonda;
- d'approbar la revisiun parziala dalla lescha da pumpiers dalla vischnaunca dad Ilanz/Glion.

Ilanz/Glion, ils 6 da fevrer 2024

Suprastonza communal Ilanz/Glion